

**S M J E R N I C E**  
**ZA TROGODIŠNJE PLANIRANJE RADA**  
**GRADA BIHAĆA**  
**ZA PERIOD 2024 - 2026. GODINE**

## Sadržaj

|   |   |
|---|---|
| 1. Svrha Smjernica .....  | 1 |
| 2. Kratak osvrt na opšti razvojni kontekst uključujući izazove i rizike ..... | 1 |
| 3. Strateški pravci razvoja .....   | 4 |
| 4. Strateški projekti .....   | 5 |
| 5. Indikativni finansijski okvir .....  | 6 |
| Aneks 1: Akcioni plan za period 2024-2026. godine.....                        | 8 |

## 1. Svrha Smjernica

Izrada Smjernica za trogodišnje planiranje rada Grada Bihaća za period 2024-2026. godine (u daljem tekstu: Smjernice) obaveza je u skladu sa Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine („Službene novine Federacije BiH“, broj: 74/19 i 2/21) (u daljem tekstu: Uredba). Uredbom su propisani minimalni elementi Smjernica, a iste se izrađuju svake godine za period od tri godine (1+2) i pripremaju se u skladu sa strateškim dokumentima relevantnim za Grad Bihać. Pored toga što predstavljaju usmjerenje za budući rad organa uprave, Smjernice služe i ostalim zainteresovanim stranama (vaninstitucionalnim akterima) kao vodilja za planiranje i implementaciju konkretnih projekata i aktivnosti u narednom trogodišnjem periodu.

Ove Smjernice predstavljaju osnovu za planiranje rada Grada Bihaća u naredne tri godine, kako bi se na adekvatan način uključili razvojni prioriteti koji su definirani Strategijom razvoja Unsko-sanskog kantona kao strateški okvir razvoja grada Bihaća za period 2023 - 2027. godine, Okvirom za implementaciju ciljeva održivog razvoja u BiH i drugim relevantnim dokumentima. Smjernice imaju za cilj da potenciraju ključne aktivnosti koje je neophodno poduzeti u narednom planskom ciklusu, a koje imaju sinergijski efekat za više oblasti društveno-ekonomskog života grada.

## 2. Kratak osvrt na opšti razvojni kontekst uključujući izazove i rizike<sup>1</sup>

Grad Bihać je prema indeksu razvijenosti u 2021. godini rangiran kao 16. od 79 općina/gradova u Federaciji BiH s indeksom razvijenosti od 1,02 što ga stavlja u drugu grupu razvijenosti. Prema rezultatima popisa stanovništva iz 2013. godine, grad Bihać ima 56.261 stanovnika, a prema dokumentu „Socioekonomski pokazatelji po općinama FBiH 2021.“ gustina naseljenosti grada Bihaća je 61,4 stanovnika/km<sup>2</sup>. Prema procjenama, prisutan je trend blagog pada ukupnog broja stanovnika grada Bihaća u godinama nakon popisa stanovništva na 55.291 u 2021. godini. Iz ugla demografskih kretanja, zabrinjavajući je stalan pad broja stanovnika kao i stopa prirodnog priraštaja koja je od 2016. godine negativna. Starosna i obrazovna struktura još uvijek nisu nepovoljne, a može se također uočiti da postoji značajan broj razloga za migracije stanovništva koje se prvenstveno odvijaju prema evropskim zemljama.

U 2021. godini, **vrijednost izvoza** u gradu Bihaću je iznosila 89 miliona KM što predstavlja pozitivan trend za privredu grada, a **prosječna mjesečna neto plaća** u gradu Bihaću u 2021. godini je iznosila 1.091 KM. **Pokrivenost uvoza izvozom** iznosio je 77,77%.

Kada je u pitanju grad Bihać prema podacima iz aplikacije e-visit kojom upravlja Turistička zajednica Grada Bihaća u 2021. godini ostvareno je 5.201 dolazaka, a broj noćenja 9.054.

<sup>1</sup> 1. *Socioekonomski pokazatelji po općinama FBiH 2021.*, Federalni zavod za programiranje razvoja, juni 2022. g.;  
2. *Makroekonomski pokazatelji po kantonima FBiH 2021.*, Fed. zavod za programiranje razvoja, juni 2022. g.;  
3. *Federacija BiH u brojkama*, Federalni zavod za statistiku, 2022. g.;

